



**Woher Thumherrn Canonici heissen, Vnd was jr vnd etlichler
anderer jrer Thumpfaffen vrsprüngliche Empter, gewesen
sind. : Dialogus.**

<https://hdl.handle.net/1874/425371>

10

Woher Thumbherrn Canonici
heissen/ Vnd was jr vnd etlich
er anderer irer Thumpffaffen
vrsprüngliche Empter/
gewesen sind.

Dialogus.

Durch Er Christoff von Haug
witz Canonicum zu Bausen im
der obern Lausnitz ge-
schrieben.

Mit einer schrifft D. Johan:
Pomerani / Von guten
Kirchen Ordnungen.

Wittenberg/gedruckt
Nickel Schirlentz.
1536.

1500
1501
1502
1503
1504
1505
1506
1507
1508
1509
1510

1511

1512
1513
1514
1515
1516
1517
1518
1519
1520

1521
1522
1523
1524
1525
1526
1527
1528
1529
1530

1531
1532
1533
1534
1535
1536
1537
1538
1539
1540

Johannes Bugenhagen
Pomer D.



Es ist inn diesem Sommer / des jars. M D XXXVj. inn Gott verschieden Er Christoff von Dangwitz / Canonicus zu Bantzen / ein fromer Gottfurchtiger man / vnd sonderlicher liebhaber (das wol zu verwundern ist / Denn Thumhern bleiben gerne Thum oder verdampfte herrn) der Göttlichen warheit / Dat auch mit allem vleis dazu geholffen / das das liebe Euangelium zu Bantzen reine vnd lauter nu ettlich jar gepredigt / vnd die heiligen Sacrament / nach Christus befelh gereichet sind worden / Da mit er vieler lente zorn vnd feindschafft auff sich geladen / vnd mancherley fahr hat ausstehen müssen . Aus dem allen hat in Gott gnediglich erlöset / vnd inn sein ewig Reich genomen / Da fur er nu aller welt gut vnd ehre nicht neme . Die aber in vnd andern fromen Christen feind sind / vnd das liebe thewer Wort des Euangelij vmb jres bauchs vnd ehre willen / nicht leiden wollen / Sondern gehen tag vnd nacht mit heimlichen tücken vnd bösen practiken vmb / wie sie felschlich bey der Oberkeit

24 fur ketz

für Ketzer vñ Auffrurer angeben / die / so solch
wort der warheit des lebens vnd der seligkeit
predigen / die werden ehr denn sie sichs versee-
hen (bessern sie sich anders nicht) mit dem
Reichen man inn die Delle faren.

Auch bin ich warhafftiglich berichtiget /
das Er Christoff von Daugwitz / Kurtz für sei-
nem ende ernstlich befolhen habe / man sol im
weder Vigilien noch Seelmessen nachhalten /
Denn er wüßte wol / das solch thun der größte
grewel vñ Gottes lesterung were / wider Chri-
stus verdienst / sterben vnd befehl im Sacra-
ment. Auch hat der frome man seinen glau-
ben an Christum mit der liebe gegen den leu-
ten / auch seinen feinden beweiset / Solches zei-
get gnugsam an dieser Dialogus / von im ge-
schrieben / vñ befolhen / das er mir zu gestellet
würde / Gibt darinnen klerlich zu verstehen /
das er seinen Canonicis gerne wolte von irem
irthumb vñ Gottlosen wesen zur warheit vnd
seligkeit helffen / Vnd zeiget doch daneben an /
das er zu vielen keine gute hoffnung trage / on
alleine das er hoffet / Gott werde aus gnaden
ettlichen helffen / wie seine barmhertzigkeit im
geholfen hat.

Weil aber meiner schrift inn diesem Dia-
logo wird gedacht / Wil ich hinden an setzen
meine

meine wort von guten Kirchen Ordnungen/
darans dieser Dialogus genomen ist/das der
leser dester besser müge vrteilen/von dieser sa-
chen der Canonicorū oder Thumberrn.

Christus sey mit vns allen ewig-
lich/ Amen.

Als Woher

[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]

Woher Thumbherrn Canonici
heissen/ Vnd was jr vnd etlicher anderer
irrer Thumpfaffen vrsprüngliche
Empter gewesen sind.

Dialogus.

Die personen so jnn diesem
Dialogo mit einander reden/sind Ca-
nonici oder Thumbherrn/ der eine
heisse Rumpold/der ander
Chryfogonus.



Ano. Rump. Vor
wenig jaren war dieser Herr
vberaus leichtsinnig/frölich/
vnd jnn der Collatzen besser
denn neun Darffen/ Itzt hat
er sich gantz verkart/ wie Le-
kart jnn der wiege/ Er ist doch
so ein eingezogener/ stiller/ thar nicht sagen
Melancholischer mensch worden/ das ich mi-
chs nicht gnug verwundern kan/ Zwar er hat
keine vrsach dazu/ Denn er ist ja ein Junger
gesunder mensch/ dazu auch reich gnug/ Dar-
umb wüste ich nicht war an es jm mangeln
solt. Sihe gehet er doch daher als were ers
nicht/

nicht/ Ich wil in an reden / velleicht wird er
mir sein anligen öffnen/ Künde ich im helffen
ich wolts von hertzen gerne thun/ Denn er ist
jhe mein alter / vertrauter vnd lieber Freund/
Gott helffe euch mein lieber herr Chryfogone
CHAYSO. Danck habt mein herr Am.
pold/vñ der barmhertzig Gott gebe das mir/
wie jr wünschet/durch seine Gottliche gnad
geholfen werde. RUMP. Wie? Sol er euch
noch bas helffen? Seid jr doch ein reicher
herr vñ Canonicus. CHAYSO. Ja ich bins
leider/mit blossen namen vnd reichem einko-
men. RUMP. Dabt jr daran nicht genug?
CHAYSO. O Herr Gott nein. RUMP.
Was gebricht euch den? CHAYSO. Das
gebricht mir/das ich nicht kan dem Ampt/
da von mein name vrsprünglich kompt/ ge-
mes leben vnd thun. RUMP. Betet jr nicht
ewer horas Canonicas? Bestelt vnd halt jr
nicht ewer Dnera/ vnd verdienet damit ewer
Presentz? Wo mit wolt jr sonst ewrem Ampt
gemes leben vnd thun? CHAYSO. O Chri-
ste des gemes lebens vnd thuns. RUMP.
Was? Wir heissen ja die Meten / Prim /
Tertz / Sext / None / Vesper / Complet / Do-
ras Canonicas / welche sampt andern Ceri-
monien durch frome andechtige personen ges-
stiftet / vnd durch Bepfliche heiligkeit con-
firmirt / vns auffgelegt sind / zu singen / lesen
vnd halten. CHAYSO. Ja / das ist ettliche
er massen

cher massen war / Was wolt jr aber darans
schliessen? **XXV. Cap.** Dis wil ich darans
schliessen / das wir Canonici vnsern namen vr-
sprünglich von vnserm ampt erlanget haben /
welches da ist / Horas Canonicas beten vnd
singen / vnd daneben andere Ceremonien hal-
ten / Vnd wenn wir solches ausrichten / leben
vnd thun wir vnserm namen vnd Ampt / ge-
mes. **XXV. Cap.** Wenn dis / wie jr schlie-
ßet / war were / So müste auch folgen / das
alle andere Chorpfaffen sampt den Chorschü-
lern / auch Canonici weren vnd sein müsten /
Denn sie halten ja am vleissigsten die Ceremo-
nias vnd singen horas Canonicas / Schreien /
plöcken vnd mühen sich hierinne / das inen wol
der hals möchte bersten / Vnter des haben
wir Canonici anders zuthun / danon ich itzt
nicht sagen wil / Doch können wir gleich wol
die rechte zeit treffen / wenn man die Presentz
ansteilen sol. Auch würde ferner folgen / das
wir schuldig weren den Vicarien / Caplanen
vnd Chorschülern / gleich vns Presentz vnd ein-
komen folgen zu lassen / An weis ich wol / das
jr der keines zulasset. Item so ist ench auch vn-
uerborgen / das inn der Parabel im Euange-
lio Matth. am 20. Capit. von den Arbeitern
im Weinberg / vnd inn den andern Euangeli-
sten / da der ersten / dritten / sechsten / neunnden /
eilfften / stunde gedacht wird / das solche stun-
de nicht verstanden können werden / von den
horis Ca-

horis Canonicis / Sondern von des tages
stunden / Nach der Jüden brauch / die den tag
pfliegen inn diese stunde zuteilen / Wie sie denn
auch die nacht inn vier stunden oder stück teil
leten / Luce am 12. Capitel. Darumb ist ewr
schliessen vnd meinung falsch / vnd vnser Na
me mus viel einen andern vrsprung / vnd vnser
Ampt viel ein ander gescheffte haben. **AD
MP.** Ich weis keinen andern vrsprung noch
ampt / Dabe auch bis auff diese stunde nichts
anders dauon gehöret / Wisset jr aber etwas
bessers / zeigts an / Ich wil euch zu hören.

CHRYSO. Jr wißt mein Derr / Das die al
ten Doctores beide die Latinisch vnd Griech
hisch geschrieben haben / die heilige Schrift
des Alten vnd Newen Testaments pflegen zu
nennen / *Canonicam scripturam* / *Doc est /*
Regularem scripturam / Das ist / die rechte
schnurschrift / darnach man sich richten sol /
als nach einer schnur / Vnd das sie alleine aus
der selben das Christlich volck geleret / vnd da
mit / als irem harnisch / wider die Ketzler gefo
chten haben / Vnd was darinnen nicht ge
west odder daraus nicht bestanden / da mit
haben sie vngefangen / vnd vnuberwunden
sein wollen / vnd gesprochen / *Doc non est in*
Canone scripture / Als denn auch recht ist.

ADMP. Das ist war / ich kans auch nicht
lengnen. **CHRYSD.** Vnd wenn jr schon
lengnen woltet / so kund jr doch alzeit vberzeu
get wer

B

get wer

get werden/ mit den Schrifften der selben al-
ten Doctores/ so noch verhanden sind/ Dar-
innen sie/ vnd sonderlich S. Augustinus vns
mit ausgedruckten klaren worten/ auff solche
Canones weisen / vnd gantz trewlich verma-
nen vñ warnen/ auch jren eigen schrifften vnd
guten meinungen keinen beifalle/ noch glau-
ben zu geben/ wo sie wider Gottes wort/ vnd
diese Canones/ *Doc est/ contra Canonicam
scripturam/* Das ist/ wider die heilige schrift
lauten/ Denn man sol vber Gottes wort hal-
ten/ vnd mit nichte gestaten/ das es mit men-
schen leren verfelscht oder vertunckelt werde.
XXV. Das lasse ich alles zu / Was ist's
denn mehr? CXXV. Das ist's/ das wir
Canonici von dieser schrift/ die man genant
hat vnd noch nennet/ Canonicam scripturam
vrspünglich vnsern namen erlanget haben.
XXV. Wie ist das zugangen? CXXV.
SD. Also ist's zu gangen/ Anfenglich ist der
ersten Canonicorum/ vnser vorfarer ampt ge-
wesen/ das sie Canonicam scripturam offent-
lich gehandelt vnd ausgelegt haben / Da zu
sie ettliche stunden des tages / inn welchen sie
dasselbe haben mügen ansrichten/ gehabt ha-
ben / Das also auff diese stunde Canonicus
Johannes / auff ein andere Canonicus Pe-
trus/ wie sie denn geheissen haben/ vnd so fort
an / den tag vber / Wie itzt zu Wittemberg
geschicht/ Canonicam scripturam/ das ist/ die
schrift

schrift des Alten vñ Newen Testaments aus
gelegt/ vnd gehandelt haben. Da her haben
solche bestimpte stunden / die wir nu heissen
Doras Canonicas / den namen bekommen/
Sind auch zur selbigen zeit eben darumb also
genant worden. In die örter aber / da solche
geschickte Canonici mit notturfft versehen vñ
erhalten sind worden / hat man aus den vmb-
ligenden Steten vnd Länden / tüchtige leute
zurlere / dahin geschickt / die hat man genennet
Clericos oder filios Prophetarū / Vnd wenn
man zu den bestimpten Doris zusammen ist ko-
men / hat man inn gemein ein Psalmen odder
zween gesungen / vnd sich da durch muntter
vnd geschickt gemacht / Darnach wenn der
Canonicus / den wir itzt Interpretem / Docto-
rem oder Theologum pflegen zu nennen (S.
Paul. nennet in Ephe. 4. vnd 1. Cor. 14. Pro-
phetam) fertig ist gewest / So hat ein Lector
aus obgedachter Canonischer schrift / nicht
ein gantz Caput auff ein mal / Sondern ein
stücke da von / welchs man genennet hat ein
Capittel (wie wirs inn vnsern Doris Cano-
nicis noch so nennen) gelesen / das selbe hat
also darauff einer aus den Canonicis / seinen
Clericis / gelerten / auch / nach gelegenheit vnd
erforderung der zeit vnd stunden / inn gemeine
dem volck vnd Zuhörern / ausgelegt / oder dar
aus ein vermanung gethan. Vnd wenn er hat
auff gehort / haben die Clerici vnd gelerten

abermals nach erforderung der zeit vnd stunde
de gelegenheit / inn beywesen des gemeinen
volcks vnd der Zuhörer / mit singen vnd be-
ten / den beschlus gemacht / vnd also Gott ge-
lobt / vnd im gedanckt. Davon sind denn fei-
ne geleerte Bischone / Pastores / Seelsorger /
Prediger / vnd frome Gottfürchtige geschick-
te Christen worden. Vnd war solches ein fei-
ne nützliche ordnung vnd Christliche vbung /
die gewis ein vrsprung gehabt wird haben /
aus der Ersten Epistel S. Pauli an die Cor.
am 14. Cap. Da er inen bevilhet / das sie drey
ding inn der Kirchen odder versamlung thun
sollen. Erstlich mit zungen / das ist / den blo-
ssen text aus Mose / aus den Propheten vnd
Psalmen zc. von wort zu wort her lesen. Zum
andern das sie / was gelesen ist / verkleren vnd
anslegen / vñ also mit leren / vermanen vñ tröst-
en / die andern bessern. Zum dritten / das sie in
gemeine beten Gott dancken vnd loben. Das
her sind noch heutiges tages vorhanden die
Homelien Doctorum / Das ist / die predigten
die sie auff solche weise jren Clericis vnd volck
haben fürgepredigt / Vnd Augustinus hat
den gantzen Psalter auff diese form seinem
volck ausgelegt / Wie nicht allein sein grosses
buch vber den Psalter / von im geschrieben /
sondern auch seine Sermones de verbis Do-
mini / Item / de verbis Apostoli klar anzeigen.
Eben so hat auch gethan Ambrosius / Chry-
sostomus

Softomus vñ viel ander fromer Bischone vnd
Lerer mehr. Das hat man denn recht vñ mit
gantzer warheit können heissen/horas Cano-
nicas gehalten / Vnd ist ein fein nutze vnd
Christliche ordenung gewesen/allenthalben ge-
richt zur besserung des volcks/zu leren/verma-
nen vnd Gottes wort an vnterlas zu treiben/
vñ inn vollem laufft vnd reinem verstand zu er-
halten/den glauben da mit zu bawen vnd ster-
cken. Dar aus/versehe ich mich/solt jr nu/
mein Derr/deutlich genugsam abnemen vnd
verstehen können / Wo her wir Canonici vr-
sprunglich vnsern namen erlangt/ Vnd was
anfenglich vnser Ampt gewesen sey. **ADP.**
Ewer rede gefelt mir nicht vbel / vnd hat
warlich ein schein/das etwas dran sey/wie jr
mich berichtet habt. **CHVSD.** Ja freis-
lich hats ein schein/vnd wenn wir itzt auch so
thetten vnd so thun kunden (Denn es sind viel
hindernis die vns im wege liegen) So mocht-
ten wir nach dem vnser Name vnd Ampt er-
fordert/auch recht thun/viel fromer vnd gez-
lerter Seelsorger/Prediger vnd Christen inn
Stedten vnd auff dem lande anfferziehen/
Vnd da mit gegen Gott vnd der welt mit frö-
lichem guten gewissen/Christlich recht leben
vnd thun. Aber so thun vnd leben/wie es itzt
bey vns inn vnserm Thumbstift / vnd faste
inn allen andern inn vollem schwang gehet/
vnd getrieben wird/das ist für Gott vnd seis
B iij ner

ner Christlichen gemeine ein rechter gewel/
Vnd macht mir vnd allen fromhertzigen Ca-
nonicis/als denen/die es (Gott lob) verstehen
vñ greiffen/das es wider Gott/den glauben/
liebe/vnd dazu wider vnsern eigen namen vñ
Ampt ist/ein vnrußig/böse/vnsicher/erschro-
cken gewissen/frisset vnd nagt mich tag vnd
nacht/das ich/wo es lenger also wehren vñ
stehen bleiben solt / lieber ein armer Sewhir-
te/denn ein solcher reicher Canonicus vnd ver-
dampter Herr sein wolt. **XXV.** Nu darff ich
fort keines weitem berichts/denn aus diesem
verneme ich gnugsam/was ewer anliegen ist/
vnd was jr für vrsachen habt ewers gremens
vnd hermens. **CLXXV.** Ja eben diese sinds
vnd kein andere/Denn mir feilet (Gott lob)
sonst gar nichts. **XXVI.** Doch gleich wol
kan ich diesen ewren Worten/wie wol ich sie
nicht verlegen kan/gentzlich nicht glauben ge-
be/Den wens diese meinung/wie jr itzt erzelet
habt/mit vnsern thun hette/wie solts denn ko-
men sein/das vnser Vorfaren/die für etlich
hundert jaren Canonicis sind gewest/So gar
jrs ampts vergessen solten haben / so mich
doch dünckt/ sie werden frömer/ denn wir
itzt/ gewesen sein/Auch wärden jre Bischo-
ne solches jnen nicht gestattet haben.
CLXXV. Glenbts oder lastis/Wir mu-
ssen warlich einen guten vrsprung gehabt ha-
ben/vnd anfenglich nicht so bald vmb vnser
blossen

blößen namen/ sondern viel mehr vmb vnser
schuldigen Ampts pflicht willen / der gestalt
auff geworffen/ vnd so reichlich besoldet sein
worden/ Oder vnser stand vñ wesen/ mus ein
solche ankunfft vnd herkomen haben/ wie die
Donacio Constantini/ vñ andere grobe lügen
mehr/ durch Wirkung des Satans vnd aller
ley lügenhafftige kreffte/ zeichen vñ wunder/
2. Thes. 2. Das glenbe aber wer da wolle/ Ich
kans nicht glenben. Vñ so irs hören wolt/ wil
ich euch weiter anzeigen / wie es komen sey/
das die Bischone solchs versehen/ vñ zu diesen
itzigen vnsern Ampten/ wie wirs hentiges ta-
ges halten/ komen haben lassen. **ADW.** Wie
wol ich von solchen sachen nicht gerne höre/
Doch gleichwol saget her/ Ich wil euch zu hö-
ren. **ADW.** Also hats zu gangen/ Da vn-
gelerete / vntüchtige vnd versäumliche Cano-
nici sich zu diesen Ampten/ vmb guter tage/
grosser ehre vnd reicher besoldung willen/ mit
eindrangen/ vnd auch durch gonst vñ freunds-
schafft/ vmb des bauchs willen/ wie die welt
pflegt/ dazu auffgeworffen vnd gefordert
worden / Da wolten die Clerici vnd Zuhö-
rer/ die selbigen vngelerete Bauchdiener nicht
mehr hören/ sondern entzogen sich von jnen.
Auch worden aus den umbligenden Lendern/
Stedten vnd Dörffern nicht mehr leute/ zu
studiern tüchtig/ zu jnen geschickt / Denn sie
konden von jnen nichts mehr lernen/ ja wa-
ren ge

ren geleter denn sie. Daher wurden die Canonici fein sauberlich müßige Junckern/ vnd behielten gleichwol ire besoldunge vnd reichlich einkomen/ vñ daneben alleine den blossen namen/ Den jr recht Ampt vñ erbeit war hin weg. Ober das worden sie auch durch gonst vnd hülffe deren/ die inen nach dem blut ver wand waren/ vñ anderer/ die sie inen zu freunden mit gaben erkaufft hatten/ geschützt vnd gehandhabt. Da schlug aus Gottes verhengnis dis vnglücke auch mit zu/ das die frommen Bischone (wie sie S. Paulus beschreibet/ 1. Timo. 3. vnd Titum 1.) auch wegstarben/ Vnd an der selbigen stadt solche auff kamen/ dauon S. Paulus nichts weis/ Diese wolten der sache so helffen. Sie legten auff vnd befolhen einem iglichen Canonico/ dem dis/ einem andern das/ zu lesen aus der Bibel oder andern der heiligen Vetern büchern / Die da zu mit sonderlichem vleis gezenget vñ geschriben waren/ vnd verhofften durch solch befolhen vnd auffgelegte erbeit des lesens/ ja das zum wenigsten aus zu richten/ Das doch die Canonici für sich selber/ wenn sie den andern zu gut nicht wolten/ studieren solten. Es wolt aber nicht fort gehen / wie sie es für namen. Da kam darnach ein Bischoff nach dem andern/ vnd wolten der sache helffen/ mit geboten vnd zwang/ bis sie es endlich dahin brachten/ das leider dadurch die heilige Schrifft
von der

von der Cantzel vnd Predigstuel ins Betbuch
bracht ist worden/vñ doch nicht rein blieben/
Denn es sind mit der zeit/so grewliche/Gotts
lesterliche misbreuche vñ zusetze dazu komen/
das an stad/vnsers schuldigen predigt vñ lere
Ampts/ein lauter vnnütze vnd erzwungen ge-
schrey/plöken vñ murmeln/on allen verstand
daraus worden ist/Vnd sind also/die Dore
Cononice/aus einem guten nützlichen brauch
inn einen grewlichen/schedlichen/misbrauch
verwandelt. Da haben wir Canonici vnd an-
dere des Papsst geistlichen/mit den Gezeiten-
büchern (welche lauter stricke der armen ge-
wissen sind) so viel zu thun gehabt / das wir
die bücher der heiligen Schrift/wol haben
müssen vngelesen lassen/Wiewol wir (ich sage
von vns Canonicis) hierinnen auch fein senber-
lich gefaren/ vnd mit der zeit/ auch die Gezei-
tenbücher haben liegen lassen/vnd vnsern Ca-
planen vnd Chorschülern / dar aus zu beten
vnd singen befolhen/Denn wir haben der an-
dern gescheffte so viel aus zurichten/das wir
des nicht gewarten konnen/Was wir aber
fur Wendel vnd gescheffte aus zurichten ha-
ben/Kan ich itzt inn einer kurtze nicht erzelen/
So ist's auch nicht von nöten/denn es ist vor-
hin am tage/Wers aber nicht weis vñ zu wi-
ssen begeret/ Der zibe eine zeitlang / inn eine
Stadt/da ein grosser Reicher Stifft ist/da
wird ers wol erfahren. **KAMP.** Ey nicht so
C hefftig

hefftig/mein Herr/Sind etliche böse/sinds
darumb nicht alle böse/ Ir musst ja selber be-
kennen/ das viel fromer vnd ehrlicher Men-
ner vnter den Cononicis sind/ die nicht alleine
mit grossen ernst vnd andacht ire Doras Ca-
nonicas halten/Sondern auch Got zu lob/vñ
den armen Seelen im segevor zu trost/etliche
Feste vnd Begengnis/ jerlich jmerdar zuhal-
ten stifften/ vnd also Gottes dienst helffen
mehren. **CXXVso.** O des Gottes diensts/
Vnd wenn sie noch zehenmal/ emfziger vnd
andechtiger weren hierinnen sich zuüben/so ist
doch jr Gottes dienst/ gegen vnserm rechten
anfenglichem Ampt vnd Gottes dienst/ für
Gott ein lauter irrthum/grewel/stinckender
kot vnd vnflat/Philip. 3. **XVMP.** Ir ma-
chts zu grob/ Dazu redet ir widder euch sel-
ber/Denn jr habt zuuor aus der meinung vnd
ordnung des heiligen S. Pauli angezeiget/
Wie man inn der Kirchen drey ding thun sol/
Erstlich/mit zungen reden/Das ist/aus Bi-
blischer schrift/ den blossen text her lesen/
Zum andern/ den selbigen verkleren vnd aus-
legen/ Zum dritten/ inn gemeine beten/Gott
loben vnd dancken/ Vnd habt dabey gemel-
det/ das solchs die ersten Canonici auch ge-
than haben. **CXXVSD.** Ich bekenne es/
Vnd sage es noch. **XVMP.** Warumb re-
det ir denn so schendlich vnd verdrieslich von
der sache/als were vnser thun alles mit einan-
der vn-

der vnnütze ja verdampt vnd Teuffelisch / So
wir vns doch aller dinge S. Paulus ordnung
gemes halten / Sind nu ettliche böse vnter
vns / ist kein wunder / Waren doch Christus
Jünger nicht alle from. **CXXXV.** Da sa-
ge ich nein zu / Denn wenn jr euch S. Paulus
ordnung gemes hieltet / was durffte ich viel
klagen? **RVMP.** Wir thun ihe das erst inn
vnsern Doris Canonicis inn der Metten mit
den Euangelij / Episteln vnd anderen Gesen-
gen / da einer alleine singet / Das ander mit den
Domilien / Das dritte mit den Responsorien /
Antiphnen / Gradualen / Psalmen vnd der glei-
chen / was der gantze Chor inn gemeine pfe-
get zu singen. **CXXXVI.** Da durch ge-
schicht der meinung des heiligen Sanct Pauli
noch lange nicht gung / So werdet jr mich
viel weniger vber reden / das / wenn man die
Euangelien / Episteln / Domilien der Docto-
rum / Responsorien / Antiphnen / Psalmen &c.
singet / Das solches nach erforderung vnser
namens vnd ampts heisse die heilige schrift
ausgelegt / geleret / vnd Gott mit glauben vnd
gebet gelobt vnd gedanckt. **RVMP.** War-
umb nicht? **CXXXVII.** Darumb nicht /
Das eben der das Euangelium / Epistel oder
Domilien lieset oder singet / selber nichts ver-
stehet / was er lieset odder singet / viel weniger
die im zuhoren. Darumb wird noch lange
nicht folgen / das solch lesen vnd singen / on

allen verstand / heisse Gottes wort gepredie
get/ geleret/ andere da durch vermanet/ ge
strafft vnd getröst/ Oder heisse die schrift zu
besserung der Christen vnd sterckung des glau
bens an Christum/ gehandelt vnd ausgelegt.
Zwar / die Episteln / Euangelien/ Psalmen
vnd allerley Gesenge/ aus der schrift gezogen
sind seer köstlich vnd gut/ Denn im anfang
der Kirchen/ haben die fromen Väter viel gu
ter stücke aus der Bibel genomen/ vnd fein ge
ordnet vñ ausgeteilet/ das man das jar vber/
auff gewisse tage vnd zeiten/ itzt dis/ itzt das
Euangelion vnd Epistel/ itzt diesen/ itzt einen
andern Artickel des Christlichen glaubens/
dem volck fürhalten vnd Predigen sol. Weil
aber alle vnser Gottes dienst/ allein inn sin
gen/ Klingen/ Glocken leuten/ Orgeln/ vnd
ander grosser herrlicher pracht vnd schön glei
ssenden Ceremonien stehet/ vnd wir weder zu
vnserer/ noch anderer besserung/ Gottes wort
handeln noch auslegen/ Ja auff's hefftigest
verfolgen / vnd als die ergeste Ketzerey vnd
irthumb lestern vnd schenden/ sind wirs gar
nichts gebessert/ wenn wir schön alle tage die
gantze Bibel zu Chor auslesen vnd sungen.
Also auch/ wenn schon ein gantzer Chor/ das
ist/ alle Thumbherrn/ Vicarien/ Caplanen/
Chorales vñ Schuler tag vnd nacht/ mit sol
chem vnuerstand/ wie gesagt Psalmen/ Anti
phen/ Responsorien/ Gradualia/ Dymnos/
vnd

vnd was des dinges mehr ist/ singen/ hies es
darumb noch lang nicht gebetet/ Gott ange-
ruffen/ in gelobet/ gepreiset vnd im gedancket/
Vnd sind doch inn solchen iren gesengen/ als
da sind Antiphon/ Dymni zc. Vnd sonder-
lich inn den Psalmen/ viel schöner gebet wie
der allerley not/ viel trawrens vnd Klagens wie
der Gottes vñ seiner Christenheit feinde/ auch
wider vnser sünde/ Viel lob/danck vnd preis
se/ für Gottes wunder/ hülffe vnd vnzelich
wolthaten. **XXV. Wor an felts denn?**
Nicht an den gesengen/ die an inen selbs köst-
lich gut sind/ Denn es sind wort der heiligen
schriff/ oder ja draus genomen (wie wol zu zei-
ten vbel gedehnet vñ gedentet) sondern an den
Sengern/ Denn die Thumben sampt irem
andern gesind/ pflegen warlich nicht zu sin-
gen/beten/Gott loben/aus andacht/ oder da-
rumb/ das sie vom Teuffel oder irem eigen
bösen gewissen angefochten/von der welt ver-
folget würden/ vnd derhalben inn fahr leibes
vnd lebens stehen/ odder sonst trübsal/ angst/
not/hunger/kummer/leiden müsten/Sondern
vmb ires lieben Gottes willen/ der Bauch
heißt/ Phillip. 3. Wenn der nicht thet/ es solt
wol keiner vnter inen sein leben lang nicht wi-
ssen/ noch begeren zu wissen/ wie das erste
wort im Psalter hiesse. Darumb ist nicht
müglich das sie solten wissen/ was sey beten/
Gott anruffen/ inn nöten zu im schreien/ im
C iij dancken/

XXV. Wor an felts denn?

dancken/vmb hülffe aus not/ angst vnd tod
zc. Denn sie erfahren noch leiden der keines/sie
wollens auch weder erfahren noch leiden/Son
dern sind die Junckern/ die die lieben kinder
Gottes/vmb der warheit willen/verfolgen/
felschlich beliegen/ verraten/ auff die fleisch-
banck opffern/ vnd wenn sie können/ ermor-
den/jrem Gott zu lob. Das also ire Römische
Kirche/das ist die Weiligen vnd andechtigen
Veter/Bapst/Cardinal/ Bischoue/ Tumb-
herrn zc. wider zu irer alten herrligkeit/praz-
cht/guter ruge zc. komen/vnd darinnen blei-
ben kündten/ Darumb wenn sie schon lange
Psalm lesen/ beten/ loben zc. so thun sie ni-
chts anders/denn das sie sich nür deste mehr
an Gott versündigen/in lestern vnd schenden/
Denn es stehet im 109. Psalm so geschriben/
Oratio eius fiat in peccatum/Sein gebet sol
zur sünde werden/ Vnd Ihesus Syrach im
15. Capit Non est speciosa laus in ore pec-
catoris/ Des sünders mund kan Gott nicht
loben/ Vnd Psalm 50. Gott spricht zum
Gottlosen/Was verkündigestu meine Rechte/
vnd nimpst meinen Bund inn deinen mund?
Vnd Christus Matth. 7. nennet die Vbelthe-
ter/denen sie nimer mehr das wasser werden
können reichen. Der halben ist gut zu mer-
cken/ das sie mit all jrem singen/ vnd was
sie sonst furhaben/Gott wider mit dem mund
noch hertzen meinen/ Ja von dem allen nicht
den

den geringsten buchstaben recht verstehen/
noch darauff gedenccken/ Sondern allein an
glauben/an verstand/an Gottes lieb/inn den
wind hin thun/ Das also jr heulen vnd mur-
meln ein lauter/ erzwungen/ vergeblich/ vn-
nützig ding ist/ da durch weder sie noch andere
gebessert werden/ Ja das nür zu schaden vnd
verderben der seelen/vñ zur schmach Christi/
vnd verachtung aller seiner wolthaten dienet.
Denn alles was sie für haben/ geschicht der
meinung von jnen/ das nicht allein sie/ als
Chetter/sondern auch die Stiffter vnd forde-
rer solches irs Gottes dinsts/ sollen dadurch
für Gott from vnd gerecht werden/ Verge-
bung der sünden/ Gottes gnade/den himel
vnd die ewige seligkeit erlangen. Wie denn
solches die Fundationes vnd Confirmatio-
nes inn allen Chumstifften noch vorhanden/
Da zu die Predigten vnd bücher/ so dar vber
von etzlichen geschrieben/ Ja aller solcher
Bauchdiener eigen gewissen klar bezeugen.
Das heist warlich/ mein lieber Herr Xum-
pold/ der ordnung vnd meinung S. Paul.
nicht nach gefolget odder nach gethan/son-
dern stracks darwider gehandelt/ Denn da
wird weder Gottes wort geprediget noch
ausgelegt/ da betet man nicht/ dancksaget
Gott nicht/das er vns erlöset hat durch Chri-
stum seinen einigen Son. Vnd wenn sie schon
mit dem munde solche wort singen oder spre-
chen/

chen/ so beweisen sie doch mit der that/ das
sie dem lieben Euangelio von Christo vnd al-
len seinen wolthaten im hertzen spinn feind
sind/ Nicht allein inn dem/ das sie jren Do-
ris Canonicis zuschreiben/ das Christus al-
lein ausgerichtet hat/ Sondern auch/ wie am
tag ist/ das sie die reine lere des Göttlichen
worts/ lügen vñ jrthum schelten/ vnd die lieb
haber des selbigen/ verfolgen vnd ermorden/
als die ergsten verfürer vnd ketzer / Das rei-
met sich nicht mit Sanct Paulus meinung/
sondern ist stracks wider S. Paulus vnd die
gantze heilige schrift/ auch widder die an-
kunfft vnfers namens vnd ampts gehandelt.
XXV. Ich hoffe nicht das die säch so bö-
se sey wie jrs macht/ Mit der weise müsten
wir alle inn ein verdamlichen stand sein/ Das
kan aber ich nicht glauben/ Denn es sind ja
viel heiliger Väter/ Beshie vnd Bischone ge-
wesen/ die vnfern stand bestetiget vnd confir-
mirt haben/ aus guter meinung vnd andacht
vnd sonderlich darumb/ das sie jnen selbs/
jren nachkomen vnd allen andern Christen/
durch solch teglich singen vnd halten der sie-
ben gezeiten/ vrsäch geben/ deste vleissiger vnd
andechtiger zu betrachten das leiden Christi.
XXVI. Vor woltet jr vnfern stand vnd
ampt mit S. Paulus verteidigen/ weil jr aber
seheth das er euch entgegen ist / kompt jr mit
eim andern behelff. Ich weis seer wol das et-
liche die

liche die *Doras Canonicas* auff die stunden
des leidens Christi rechen vnd zihen/ von we-
gen/ wie jr wisset / etlicher *Conclusiones*/ so
wir hierinnen brauchen. Weil aber das lei-
den Christi ein gienbig hertze erfordert/ vnd
keines weges leiden kan/ einigen vertrauen/
auff solch oben erzelete/ eigene oder frembde
werckt/ vnd jr albereit gehört/ wie es vmb die
Ankunfft vnser *Dorarū Canonicarū*/ gelegen
sey/ Auch zu dem allen / werdet jr nicht ver-
neinen Konnen/ das man etwan von den selben
Conclusionibus nichts gewust/ auch die sel-
ben bey den *Doras Cononicas* weder gelesen
noch gesungen hat/ Vnd/ das wir auch noch
heutiges tages durch einige *Constitution*/ bey
verstrickunge vnserer gewissen/ zu den selben
nicht verbunden sind / vnd alle wege sie wol
aussen haben mogen lassen. Darumb werdet
jr auch mit diesem behelff nichts erlangen zur
rettung vnser ampts. **ADMPD.**

Sol den Psalmen oder sonst die heilig schrift
lesen oder singen böse sein? **CHASD.**
Wer wolt das sagen? Das mag ein iglicher
wol thun/ Er sehe allein zu/ das er sie also sin-
ge vnd lese/ das solch singen vnd lesen/ zur
besserung vnd auffrichtung des glaubens ge-
richt sey / wie sichs oben erklerter meinung
nach/ des heiligen Pauli vnd vnser ersten Vor-
faren leiden wil / vnd thue es nicht also das
es *contra Analogiam Fidei* sey/ sondern sich
D mit

mit dem glauben reime / Sonst müsten die
vnhold vnd Zauberer / so nach ires aberglau-
bens art / der Wort Gottes vnd heiliger ge-
schriffte misbrauchen / auch recht thun vnd
handeln. **WMP.** Lieber / Wo her hat jr
diesen verstandt? **WASD.** Ich wilts
euch sagen vnd gar nicht bergen / Ich hab
diese Cogitation vnser Ankunfft vnd Emp-
ter wie verzelet / gelesen inn des Ern Doctor
Johan Bugenhagens Buche / das ehr nen-
net / Ein Auszug aus der Lübecker / Dam-
burger vnd Braunschwiger Ordnung / Vnd
ist für war die rechte brunlantere warheit vnd
ein seer feiner Christlicher gedanken.

WMP. Nu höre ich erst / das jr mit eitel
schwencken vmbgehet / vnd euch mit dieser
sachen bekümmert / on alle not / Drumb ge-
schicht euch auch kaum recht / das jr darüber
inn solche schwermütigkeit vnd vnnötig böß
gewissen fallet / Denn eben darumb widder-
feret euch solch vnglück / das jr dieses vnd an-
derer Ketzler bücher / vnd sonderlich die Bibel
leset / Thet jr jm aber wie ich / So würdet jr
nicht viel vber trawrigkeit oder böß vnd vn-
rugsam gewissen klagen / sondern frölich vnd
leichtsininig sein / wie ich / vñ andere Canonici
thun. **WASD.** Es ist vngeschwenckt /
Ich vnd alle Gotsfürchtige können on böß
vnd beschwert gewissen / wider Gott / sein hei-
liges wort / den Glauben vnd liebe nicht thun
noch

noch handeln/ Derhalben das mein gewissen
vbel zu frieden ist/ habe ich andere vrsachen/
dauon jr gar nichts wisset. Das ich aber die
heilige schrift vñ der Christlichen fromen Le-
rer bücher/die jr Ketzer heisset/lese/daran thu
ich meines achtens nicht vnrecht/ Sintein-
mal Christus selber vns die Schrift zu lesen
vnd zu erforschen befolhen hat/ Vnd Sanct
Paulus mit klaren worten spricht 1. Thessa. 5.
Omnia probate et quod bonum est tenete/
Prüfet alles/ vnd das gute behaltet. Doch
mein Herr sagt an/ Wie jr vbers hertz bring-
en künd/ das jr bey solchen vnserm itzigen
misbrauchlichem stand vnd ampt/ Gotlosen
leben vnd wandel/ neben diesem hellen liechte
des heiligen Euangelij/ so itzt/ Gott lob/ da
wider klar vnd helle leuchtet/ vnd diese greuel
allenthalben gantz auffdecktet/ so vber aus
leichtsininig/ frölich vnd guter dinge sein kün-
net? **ADVP.** Ich höre keine Predigt/ lese
auch wider New noch Alt Testament/ So
kümmer ich mich wider mit des Luthers
noch seines widerteils schrifftten/ Summa/
Ich lasse mir des Glaubens vnd der Religion
sachen nicht ein harbreit zu hertzen gehen/
man glenbe was man wölle/ gilt mir als glei-
ch/ Den ich halt von dem Papistischem glau-
ben eben so viel/ als von dem Lutherischem/
Darauff stehet aber al mein vleis vñ sorg/ das
ich den glauben im Beutel vnd Kasten habe/

Dij vnd

vnd das inn der Küchen vnd Keller kein mang-
gel sey/ Vnd wenn schon alles vberflüssig ver-
handen ist/was essen/trincken/ehr/gut/fren-
de vnd wollust belanget/vnd ist doch feminis-
num genus nicht dabey/so ist die freude noch
nicht gantz odder volkomen/Wie man denn
auch pflegt zu sagen/ Vbi non est peplum/ibi
non est gaudium/ Derhalben/ das ich mirs
ja nirgend an lasse mangeln/trawen so kan ich/
wenn ich mir wil (Sed hoc dico uobis in au-
rem/ ut secretum confessionis) ein feines jun-
ges Creatürichen verschaffen/vnd mit im frö-
lich sein. Auch so lang ich Thumbherr gewesen
bin/hab ich alle zeit gute gesellen vnd fröliche
Collatzen brüder zu mir gezogen/ die sich seer
wol wissen inn mein weise zuschicken/ Reden
vnd leben wie mirs gefellet/ Mit denen zeche
ich teglich/bin frölich vnd guter ding/zurwei-
len spiel ich mit im bret oder auff der karten/
oder habe sonst mein kurtzweil mit jnen/ vnd
füre also ein fein recht Thumbherrisch leben.
Denn ich hab sonst nichts danon/drumb ne-
me ich jmerhin/ das gewis für das vngewis/
Ich weis doch nicht was dort hernach fol-
gen wird. Vnd wenn schon vnter weilen/das
gewissen mich rüret/ vnd schrecken des tods
ansichtet/trincke ich ein guten starcken rausch
drauff/so werde ich bald wider frölich/ So
bring ich mein zeit inn freude zu/ bleib stets
leichtsininig/ vnd guter ding vnd behalt also
ein fein

ein feyn frölich / ruffsam vnd weit gewiffen.
CNAYSO. Ja freilich weit / das einer mit
ein heurwagen wol künde hindurch fahren.
Aber / mein Herr / Wie lang kan dis ewer
Thumberrisch gut leben / wie jrs nennet / ein
bestand haben? Jr halts für ein seer köstlich
ding / das jr ein kleine zeit nach eworem willen
vnd lust lebet / vnd alles was eworem alten
Adam sanfft vnd wol thut haben kündt / Be-
dencket jr aber nicht / das heute oder morgen
aus solcher ewer freude ein gros leid kan wer-
den? ADAM. Darumb kümmer ich mich gar
nichts. CNAYSO. Nu sehet mit zu / das
jr euch ein mal nicht zu seer kümmern müstet /
vnd ewer gewiffen das itzt so frölich vnd weit
ist / vvilleicht eher / denn jr besorget / so betrübt
vnd engstig werde / das jm die gantze weite
welt zu enge sey. Warlich mit dieser weis / rü-
stet jr euch böß ding wider den Teuffel / wel-
cher / als die schrift danon redet / vmbher ge-
het wie ein brullender Law / vnd hats im sin-
ne / er wölle vns verschlingen. ADAM. Ey
es hat kein not / Wer sich für dem Teuffel für-
chtet / der zibe ein pantzer an / Er ist nicht so
schwartz vnd heslich / wie jr Lutherischen jm
malet / drumb wird ers wol bey ein gleichen
lassen bleiben. Jr seid ein guter / fromer man /
vnd meints wol gut / Aber meins bedünckens
seid jr gar zu seer enggespannen vnd furcht-
sam / Macht euch selber ein vnrußig hart vnd
Dij mühe

mühselig leben/ on alle not/ Es wird ja nicht
so böse werden als jr fürchtet/ Lieber/ seid
nicht allein klug/ ihenseid des wassers sind
auch leute die etwas wissen. Solten wir
Thumherrn nicht ein früsschen/ freien/ leicht-
ten mut haben/ vnd vnser gute zeit mit freu-
den/ nach vnser hertzen lust/ zubringen/
Was weren wir für herrn? Wir nicht/ Bes-
denck nür keiner/ das ich vmb studierens/ sin-
gens oder bettens willen ein Thumherr wor-
den sey/ Viel weniger/ das ich Gottes wort
andern Predigen oder die schrift anslegen/
vnd ein Einsidler gleich/ ein leben furen wöl-
le/ Were das mein meinung gewesen/ hette ich
kein Thumherr dürffen werden/ Mein Ca-
plan singe vnd bette so lang er kan/ Ich hab
anders zu thun. **EXXVSD.** Newlich re-
det jr viel seuberlicher von der sachen/ da jr an-
zeigt/ wie die Canonici sich S. Paulus mei-
nung gemes hielten/ Item das die sieben ge-
zeiten von den alten gestiftet weren zu halten/
das man deste vleissiger dabey sol des leiden
Christi betrachten/ Jetzt aber nempt jr gar
kein blat fürs man/ sondern sagts frey er ans
wie es euch vmb hertz ist/ Nu verstehe ich erst
wie irs gemeinet habt da jr sprach/ Ir hieltet
vom Papistischen glauben eben so viel/ als
vom Lutherischen/ Gott gebe euch ein andern
vñ bessern sinn/ denn der tang für war gar ni-
chts. **XXVPP.** Ich begere gar keins andern
synnes

synnes/ Vnd künde ich/ so wolt ich wünschen
das jr auch so ein leichten synn hettet/ als ich/
Vnd wolt jr anders der trawrigkeit vnd des
schwermüts los werden / so ist mein trewer
rat/ jr wolt mit der Bibel/ mit dem Ketzere-
buch vnuerworren sein/ vnd ench die verfüris-
chen auffrürischen Cathenichen des Luthers
vnd ander Ketzler nicht lassen anfechten/ Son-
dern tretet nu fort an jnn ewren alten orden/
seid ein guter gesel mit/ wie jr vor zeiten pfeget/
vnd laßt die sich mit der heiligen schrift bekü-
mern die grosse köff haben / jr richtet doch
nichts aus. **ADVS.** Da sey Gott für/
das ich ewrem rat folge/ vñ wenn ich schon jñ
dieser schweren sache viel zu gering bin / So
wil ich doch die heilige Schrift/ vñ der selb-
gen trewe vnd reine Lerer mit Gottes hülffe le-
sen/ Vnd sie hebr halten/ bis an mein ende/
Vnd/ so viel an mir ist Gott neben allen gots-
fürchtigen Thumben (denn sie werden nicht
alle ewrn sinn haben) vnd fromen Christen
tag vnd nacht bitten/ das Gott vnser lieber
Vater allen Christlichen Oberkeiten vnd po-
tentaten/ vnd sonderlich vnsern fromen Keiser
durch seine gnade/ gnediglich wolte bey ste-
hen vnd helffen/ das sie sich mit ernst Gottes
worts vnd seiner ehre annemen/ Das sie auch
durch ein starcke Christliche reformation/ al-
les/ das inn der Christlichen Kirchen durch jr-
thum vnd falsche lere/ verfallen ist/ wider auff-
richten/

richten/ Sonderlich vnser Ampt/ aus dem
Chor vnd Gottlossen Ceremonien widerumb
auff die Cantzel vnd inn andere Gottselige Ce-
remonien zu rechte bringen kundten/ Das wir
also vnserm Namen wider gemes lebten vnd
theten/ wie es anfenglich gewest vnd noch
billich sein solt/ Ich wil auch gar nicht tzuwei-
feln dran/ vnser lieber Herr vnd Vater werde
vmb seiner ehre willen/ zu wehren allerley Ab-
gotterey vnd ergernis/ vnser anligen/ bitten
vnd teglich seufftzen/ zu seiner zeit erhören/
Vnd diese sache nach seinem Göttlichen gefal-
len/ inn Christo Ihesu seinem lieben sone/ also
vnd der gestalt fordern/ das wir auch seine
hülffe darinn bald sehen/ vnd befinden wer-
den/ Amen. **RVMP.** Ir gedencet villeicht
ein Concilium zu erbitten. **CHRYSD.** Ich
stelle es zu Gott/ der wird es durch ein Conci-
lium/ oder sonst wol zu machen wissen.
RVMP. Mit dem Concilio wird gewis
nichts draus/ Vnd wenn es gleich ein fort-
gang kriegt/ wie ich nicht hoffe/ So ist doch
vnser hauffe mechtig vnd anschlegig genug/
dis vnd anders vnerendert/ im alten wesen
vnd herkomen zu erhalten/ vñ solten wir gleich
druber/ den Frantzosen zum Reiser machen/
Betet vnd bittet wie jr wolt/ Diese schwere
sache wird wol vnerhoben jmer fort vnd fort/
so liegen bleiben. **CHRYSD.** Es ist nür al-
zwar/ das diese sache schwer zu erheben ist/
denn

denn der Teuffel hat sich vmb seines vorteils
willen/mechtig drein geschlagen/vñ da durch
nicht allein vnser pflichtig Lereampt/sondern
auch die Kinderschulen / so vnser Dorfärer/
die ersten Canonici/ neben vñ bey sich gehabt/
vnd vleissig drauff gesehen/ das darinne die
Kinder vnd Jugent durch Scolasticos/Can
tores/Sucentores/Decanos/fein vnd Chri
stlich vnterrichtet vnd gelernet würden/gantz
meisterlich vntergedruckt/vñ im eben zugericht
das auch bald im anfang/da diese sache/wie
oben angezeigt/inn solchen grewlichen abfall
geriet/ Keiser/ Konige/ Fürsten vnd Herrn/
so die zeit verhanden/ vnd solchen schaden inn
der Christlichen Kirchen merckten / auch ge
wonet waren/ frome gelerete Prediger/ Seel
sorger/ vnd sonst geschickte leute / neben sich
vnd inn jren landen zu haben/mit aller jrer zu
that vnd vleis/da widder nichts vermochten/
Damit sie aber gleichwol gelerter/ fromer leu
te nicht allenthalben beraubt würden/ vnd
alle gute lere/ Kunst vnd zucht/ durch solch ge
schwinde/böse/griffe vnd anschlege des Teu
ffels/ zu grund nicht verfallen liessen/ Daben
sie auffgericht/ mit grossen vnkosten Vniuer
siteten vnd Hoheschulen/ denn die selben wa
ren zuuor nicht/ Daraus sie dennoch etlicher
mas gelerete leute bekommen haben/Wie wol
die selben Hoheschulen/ durch des Teuffels
list/zu seinem vorteil/durch die Conservatores/
E vnd

vnd andere listige anschlege/ auch bald sind
eingenomen worden / Vnd wie die Stifftē/
vnd ander ding mehr / inn grossen / greulichē
en misbrauch geraten / damit also diese sache
von tage zu tage schwerer ist worden / Doch
sie sey so schweer als sie jmer wolle / so trawen
vnd glauben wir vnserm lieben Herrn vnd
Gott / als dem Almechtigen Vater / der kan inn
einem augenblick / ja noch ehr / helffen / das die
sache fort gehe / wenn sich noch zehen Bepste
samt allem anhang / der warlich gros vnd ge
waltig ist / darwidder mit aller list vnd macht
setzten / Denn sein ist / beide That vnd That / wie
Salomon spricht / Drumb zweiffel ich nicht /
Er werde wol weise / mittel vnd wege zu der
sache treffen. **ADMP.** Was gebt jr für ?
Sollen die Personen / die wir pflegen zu nen
nen / Decand / Cantor / Succentor / Scola
sticus ꝛc. vrsprünglich auch andere Empter
gehabt / vnd inn die Kinderschulen gehört ha
ben ? **ADMSO.** Freilich sinds andere emp
ter gewesen / denn sie itzt sind / Vnd so wol als
die vnsern nu vnrecht vnd verkeret. **ADMP.**
Das solt jnen warlich wolgefallen / das jr sie
erst zu Locaten inn den Kinderschulen wolt
machen. **ADMSO.** Es gefalle jnen wie
es wolle / so komen vrsprünglich die namen /
Scolasticus / Decanus / Cantor / Succentor
ꝛc. gewis von den Kinderschulen her / so die
ersten Canonici vnser Vorfaren bey sich ge
habt ha

Habt haben/ Vnd ist/ das jr ampt anfenglich
gewesen/ das sie inn den selben Kinderschulen
die Jugent/ Gramaticam/ Dialecticam/ Mus-
ficam/ vnd andere freye künste/ vnd sonderlich
die sprachen vñ zungen haben geleret/ Das ist
gewis war/ Daher nimpt sich der Scolasti-
cus bey vns/ vñ inn andern Thumstifften noch
hentigs tags der Schulen an/ Wie wol viel
anders/ denn anfenglich gewest/ vnd billich
noch sein solt. **ADMP. EY**/ was gebt jr für/
Kunds doch ein so feltzam nicht trewmien/ als
jrs für gebt/ Lieber gehet hin/ vnd vberredet
den Dechand/ Cantorem/ Scolasticum &c.
das sie jr herrlich wesen/ gute tage vnd rüg-
sam leben vbergeben/ vnd sich inn vnnötige
vnlust/ mühe vnd erbeit schlafen/ vnd erst den
Kindern inn der Schulen die Grammaticam/
Dialecticam &c. fürlesen/ Nicht jr etwas bey-
jnen aus/ so wil ich mich darnach auch lassen
weisen/ Wil predigen vñ die schrift auslegen/
Ich besorge aber/ sie können von der Gram-
matica vnd Dialectica/ von Latinischer/ Gri-
echischer vnd Ebreischer sprach/ eben so viel/
als ich von der heiligen schrift kan/ Mich ver-
wundert das jr nur so nerrisch Kinderteiding
fürgebt. **CHAVSD.** Es sind nicht Kinder-
teiding danon ich rede/ Sondern es ist ein ho-
her wichtiger handel/ der da betrifft vnser sel-
ligkeit odder verdammnis / Denn wollen wir
anders dem grewlichen schrecklichem Bann

E ij entlauffen


entlauffen/damit sie S. Paul. 2. Thess. 3. mit
grossen geist vnd ernst verbannet/alle so ni-
chts erbeiten/sondern vnordig wandeln/vnd
fürwitz treiben/Das ist/wie Petrus 2. Pet. 2.
solches ansleget/ Die da prangen von ander
leute Almosen/vnd prassen mit dem iren/das
in blutsawr ist worden/ So müssen wir war-
lich vnser vnordig leben/ faul vnd müßige ta-
ge/ vnser schwelgen/ item wußt Epicurisch/
grewlich vnd schendlich wesen/ vbergeben/
Vnd für war/vnsern emptern mit allem ernst/
trewen vnd vleis fürstehen/vnangesehen/wie
viel mühe/erbeit vnd vnlust es vns kosten wür-
de. Vñ ob wir gleich vnser eins teils alters hal-
ben/vns sonst nicht zu erneeren wüßten/Vnd
zu solchen emptern/wie leider allzu war/vn-
geschickt erfunden würden/gleichwol mußten
wir auff wege trachten/ andere auff vnser
vntkosten vnd besoldunge/ so darzu geschickt
vnd tüchtig weren/ neben vns zuhalten/wel-
che bey vnserm leben/obgedachte vnser schül-
dige Empter vnd arbeit an vnserer stadt/aus-
richteten/ Nach vnserm absterben/künden
wol an vnser stadt verordnet werden/die sol-
ches alles/ durch sich selbs auff's beste ausri-
chten würden/ Vnd wenn wir itzt von wegen
vnser vngeschicklichkeit / solche geschickte Per-
sonen/zu volfürung vnserer Empter/hielten/
So künden die selben denn erst recht vnd Chri-
stlich vnser Vicarien sein vnd heißen/ Denn
daher

Daher kompt auch vrsprunglich vnserer itziger
Vicarien name. **ADVP.** Da da/würden wir
erst recht zu masse komen/vnd Böcke zu gart-
nern machen/der thu/noch willige ich keins/
weil ich lebe/Lass S. Paul. nur jmerhin ban-
nen/Daben wir nymmer bonen/ so gehen wir
darnach jnn die erbeis vñ schoten. **CDXVso.**
Warlich wollen wir vnserm ampte / stand/
namen vnd vrsprung anders gnugthun/vnd
vnser reich einkomen/ vnd der Kirchen alimo-
sen mit recht verdienen vnd einnemen/Item/
mit vnserm leben vnd wandel/ den andern ni-
cht ergerlich noch schedlich/ sondern nützlich
vnd forderlich sein/ So müste es mit vns vnd
vnsern Eimptern / widderümb dahin bracht
werden/wie es von anfang geweest ist/ Sonst
wüste ich nicht/wie wir ferner also mit gutem
gewissen bestehen/vnd lenger jnn solchem we-
sen verharren künden/ Denn jnn der gestalt/
wie es jtz gehet vnd stehet / sind wir weder
Gott noch der welt nütze / Wir werdens
auch am Jüngsten gericht/ gegen Gott nicht
verantworten/noch für jm bestehen/können.
ADVP. Ir machts warlich heis vnd graw-
sam gnug/ wer ench nur glauben wolt/ Mei-
net jr auch das etwas dran sey? Ey die Welle
wird nicht so heis sein/ wie jrs machet.
CDXVSD. Das werd jr an jhenem tage
wol erfahren. **ADVP.** Do/hab ich noch so
lange frist/ Lieber schweigt nur stille/jr scha-
ffet doch

ffet doch nichts mit mir / Kurtz vnd gut / Ich
bleibe vnd beharre auff meinem Thumbherr-
riffichen glauben / Ich bin nicht komen/
das ich predigt von euch wil hören / drum
laßt mich zu frieden / odder ich entlauffe euch.
CXXV. Sta / wie thut jr / predige ich
euch doch die lauter warheit / Kundt jr da ni-
cht zu hören? CXXVI. Wenns noch neun-
mal warheit were / so frage ich nichts dar-
nach / Ursach / Ich fürchte wenn ich euch mit
vleis zuhörte / vnd lies mirs zu hertzen gehen /
ich mochte auch inn ein solche angst vñ traw-
rigkeit des gewissen fallen / wie ich an euch se-
he / vnd nimmermehr frölich werden / Vnd weiß
ich die warheit solt bekennen / habt jr mich
schier ein wenig vnlistig gemacht / mit ewr
verdrieslichen warheit / Aber ich wil der sache
bald raten / Meine geselschafft wird itzt mit
mir Collatzen halten / mit den wil ich ein gu-
ten starcken trunck thun / So vergesse ich alle
meins leids wider / So habe ich auch sonst ein
lieben Gast gebeten / den speise ich sonderlich /
der wird sich zu rechter zeit wol zu mir finden /
den höre ich lieber predigen denn euch. Ade /
ich fare dahin / Vnd prediget mir fort an nicht
eher / ich bitte euch denn drum. CXXVII. So.
Wol an / mein Herr / weil jr denn so gar kein
gewissen habt / das sich fur Gott / vnd seinem
strengen gericht fürchtet / Sondern ein lautern
spott / nach Thumbherrifficher art / aus des
Christa

Christlichens glaubens vnd der Religion sa-
chen macht/so faret jmer hin. Gott aber ge-
be durch Christum mir/ vnd allen andern/die
es gerne Christlich recht gut sehen/ seine gna-
de/ Vnd helffe das wir ja nicht/wie jr vnd
ewer hauffe/ jnn dieser grewlichen Sodoma
vnd Gomorra erfunden werden / Sondern
reisse vns eraus gnediglich/wie Lot/ Das wir
mit frölichem hertzen warten können / auff
den seligen tag/vnser erlösung/vnd der herr-
lichen zukunfft vnser D^{er}ren Ihesu Christi/
Welchem sampt dem Vater vnd dem Heilig-
en geist/fur sein vnansprechlich gut/sey
Lob vnd Preis/von ewigkeit zu
ewigkeit/Amen.

Eine Vorrede aus der Ham-
burgischen Ordnung geno-
men / Darinn man findet
die wort von den Lano-
nicis oder Thumherrn/
Welche Er Christoff
inn seinem Dialo-
go gedenckt.



Beschrieben durch D. Jo-
hannem Bugenhagen
Pomern.

1 5 3 6



Globet sey Gott der
Vater vnsern Herrn Ihesu
Christi/der Vater der barm-
hertzigkeit/vnd Gott alles tro-
stes / der vns tröstet / jnn alle
vnserm trübsal/das wir auch
trösten können/die da sind jnn
allerley trübsal/mit dem trost/damit wir ge-
tröstet werden von Gott/Denn gleich wie wir
des leidens Christi viel haben/also werden wir
auch reichlich getröstet durch Christum.

Ich bin lustig/Gott sey gedanckt/ mit sol-
chen Worten Pauli/diese rede anzufahen/Denn
wir befindens auch also jnn vns/ wie wol die
welt/das nicht mercket/Warumb solten wir
den nicht auch gleich bekennen vnd dancken.?

Jnn dieser löblichen Stad Damburg/
sind bey diesen gezeiten/ etliche stücke gehan-
delt/zwischen dem Erbarn Rat vñ den Bür-
gern / die da belangen jnn zeitlichen dingen
vnd weltlichen sachen/den nutz der Gemeine/
Jnn welchen sachen sie nu vnternander/durch
Gottes gnade/gütlich vnd freundlich mit al-
ler gebürlichkeit/auff beiden seiten/ vertragen
sind / Von welchen mir nichts mehr bewußt
ist / denn das ich aus aller berichtung/ stets
vermerckt habe/ vnd auch noch nicht anders
S vermercke

vermercke/denn das allwege/was Göttlich/
billich recht vnd redlich / zu nutz vnd friede
dieser Stad/ nu vnd zukünfftig sein mag/ge-
handelt ist.

Ich habe aber/ inn der zeit meiner beru-
ffung / nach meinem verstand / zu bequemer
zeit / mit Gottes wort / auch meinen dienst da-
zu gethan / die weil es weltliche / Göttliche sa-
chen waren / Ich habe getrewlich vom Pre-
digstuel geleret vnd vermanet / die weil wir ni-
cht Türcken odder Weiden sollen sein / wie alle
Stende / vom höchsten bis zum niedrigsten /
inn irem wesen mit gutem gewissen / fur Gott
wandeln vnd handeln mügen. Auffs erste/
Wie man der Oberkeit / so gekoren ist / nehest
Gott / inn allen dingen sol gehorsam sein / mit
dienste / zins vnd schos / mit furcht vnd ehren.
Zum andern / Wie die Oberkeit / fur allen vnd
inn allen sachen / sol Gott ansehen / fur einen
Oberherrn / vnd also richten vnd regieren / das
die bösen gestrafft werden / vnd die frumen be-
schirmet / zu nutz vnd friede / Land vnd Städ-
ten. Zum dritten / Wie rechte vnd gerichte
vnd vrteil / mit allen Personen / die man dazu
gebrauchen mus / vnd mit aller freundschaft
beider part / geschickt sollen sein. Zum vier-
den / Das die Christen / des gehenden rechtes /
fur ire Person vnd iren nutz / sich gerne enthal-
ten / vnd ire freundschaft vnd verwanten /
auch

auch gerne zum friede/ vnd freundslichem ver-
trag vermanen/ das sie also/ die freundschaft
vnd den friede/ fur sich vnd ire kinder/ mehr
vnd grösser achten/ denn das gelt/ das sie inn
freundschaft nachlassen/ oder auch die gan-
tze sache/ vmb Christus willen/ Wiewol fru-
me Richter/ nicht gestaten sollen den mutwil-
ligen/ solchen schaden zuthun/ wenn sie es
zu wissen kriegen/ Vnd die Nachbarn/ des
gleichen die andere/ sind schuldig solch vnre-
cht dem Richter odder dem Rathe/ anzusa-
gen/ den vnschuldigen zubeschirmen/ durch
verordente Gerichte. Zum fünfften/ Wie
man mit dem zeitlichen gut handeln mag ꝛc.

Solchen dienst habe ich durch Christum/
mit Gottes wort vleissig gethan/ zu den welt-
lichen sachen/ die da gehandelt sind/ das ich
also mochte zum friede vermanen/ das nicht
etwas vnrechts fur Gott/ odder etwas vnbil-
lichs fur der welt/ mochte furgenommen wer-
den/ Dazu auch Gott/ vielen frumen hertzen
verstand gab/ solchs zu begeren vnd zu raten/
Weiter hat sich mein ampt/ inn weltlichen sas-
chen nicht gestreckt.

Aber von der sachen/ des heiligen Euan-
gelij vnsern Herrn Ihesu Christi/ welche der
seelen seligkeit vnd das ewige leben antrifft/ sa-
ge ich also/ Gott sey gelobt/ durch Jesum Chri-

stum vnsern Herrn/das alhie vom anfang bis
zum vertragen/nichts anders begert ist/denn
das man möchte frey Predigen/das reine E-
uanlion Christi vnd das lauter wort Gottes/
welches/wie wol zuuor verhanden war/mit
aller heiligen schrift/doch mit menschen le-
ren/vnd misglauben der mancherley gerech-
tigkeit (durch menschen erdacht) also vertun-
ckelt vnd vnbekant/das die menschen nicht
wusten/was sie guebten/vnd die Prediger
wusten nicht/was sie lereten/on etliche ver-
zweimeler/die da wol wusten/das sie irem ban-
che predigten.

Dazu ist auch begeret vnd gefordert/das
man die Sacrament/von Christo/seiner Chri-
stenheit/eingesetzt vnd befolhen/sonderlich
das Sacrament seines leibs vnd bluts/wolte
inn solchen brauch stellen/zu geben vnd zu ne-
men/wie es Christus mit klaren worten be-
folhen/vnd auch die Aposteln von Christo ge-
sand/geleret haben/vnd das daneben/aus
der Kirchen möchte gethan werden/was bis
her/on vnd widder Gottes wort/vnd widder
den Christlichen glauben/gehalten ist/vnter
dem namen Gottes/dem Mammon/vñ dem
Bauche zu dienst/ Vnter welchen viel Cere-
monien waren/die doch waren lauter narren-
werck vnd affenspiel/etliche auch grobe leste-
rung des Heiligen geists/wo nicht dasselbi-
ge/die vnwissenheit entschuldiget.

Das es

Das es aber nicht diese meinung möchte
haben/als wolt man gar keine Ceremonien
nachlassen dem volck/ ist begeret/ das man
solche Ceremonien wolt aufrichten/die den
Kindern vnd Gemeinem volcke dienstlich mö-
chten sein/ zur vnterrichtung/zum Glauben/
vnd sonst zu Gottes wort / dazu das man für
die Jugent wolt sorgen / vnd gute Schulen
anrichten/vnd auch die armen versorgen/son-
derlich die armen Hausleute/Widwen vnd
Waisen/die verlassen sind/ mit aller notturfft/
das also die güter/die aus guter andacht/wie
wol aus vnwissenheit/ zu Gottes dienst gege-
ben sind/vnd andere almosen/vnd frumer leu-
te milde gaben/nu möchten zum rechtem Got-
tes dienst (den Gott mit klaren worten befol-
hen hat/vnd den auch der rechte Christliche
glaube foddert) gewendet werden/Wie denn
auch vor zeiten bey den alten Christen/solche
güter / für die Prediger vnd arme leute ge-
braucht worden/da noch vorhanden waren/
die rechten Bischone vnd Prediger des Evan-
gelij/vnd rechte Diaconi der armen/ ehe sich
eindrungen die Messespaffen / vnter dem na-
men der Priester/die da begunten zustelen vnd
rauben/mit grewlicher lügen / alles was sie
yberkommen kunden/ von Fürsten vnd Herrn/
Bürgern/ Barvern/ auch von denen/ die es
mit der spindel verdienen mussten.

Das Kloster volck hats auch seer wol ge-
lernet/

lernet/doch also/ das man es nicht mercken
solt/Sie gelobten ein solch willig armut/das
sie auch vnter irem armut/besser tage vnd ru-
ge hatten/nach dem fleische/denn kein Fürste
auff erden/Dn das etliche/die from sein wol-
ten/sonderlich vnter den Celestinern vnd Kar-
theusern/sich selbs marterten/doch im vnglau-
ben mit irer heucheley/jnn der meinung/das
sie meineten/sie wolten mit besser rüstung vnd
grösserm vorteil/vnd ehe denn andere/den hi-
mel stürmen vnd eröbern.

Ober das alles/sind auch jtz gemelte stü-
cken/begeret on jemandts schaden/auch der
München vnd Pfaffen/alleine das jr gepren-
ge nicht mehr gilt/vnd das sie nicht mehr mit
irem heiligen scheine/rauben vnd stelen kon-
nen/wie zu vor/Angesehen/das sie fortan kei-
nen arnung haben möchten/vnd were auch vn-
christlich/das man sie jnn der not liesse steck-
en/die weil sie verführet sind/so wol als wir zu
vor verführet waren. So ist das die meinung
gewesen/vnd ist noch/das ein jglicher Prie-
ster behalten sol/sein Einkomen sein leben
lang/es sey auch/wie viel es sey/das er zu vor
als mit rechte vberkomen hat/Vnd das man
auch sonderlich achtung haben sol/auff die
alten schwachen armen Priester/die sich ernee-
ret haben/von Dotiuen vnd der gleichen/vnd
haben nu nichts/die sich auch villeicht sche-
men zu

men zu bitten / das man inen helffe aus dem
gemeinen Kasten / Desgleichen auch den Mün-
chen / die nicht geschickt sind zu predigen Got-
tes wort / sol man helffen zur arbeit vnd zum
handwerck / mit so viel gelts / das sie am erst-
en ein ankommen können haben / Die andern
aber sol man jr leben lang mit notturfft versor-
gen als Fratres / nicht als Patres / Die armen
Kinder / die Nonnen vnd Beginen / sol man
auch versorgen / Dazu haben sie auch alhie ire
freunde vnd Eltern / die werden auch dazu ge-
dencken .

Man wil aber von keinem Pfaffen vnd
Münche leiden / das sie öffentlich das Euan-
gelion Christi / vnd die gnade Gottes lestern /
odder nu fort an ein schendlich leben führen /
als jr viel vnnerschemet haben gethan / mit ei-
nem bösen exempel / Auff das die andern irer
lesterung vnd schanden / nicht teihafftig wer-
den / Was sie aber / odder ein ander / bey sich
selbst glenben / darüber hat kein mensch zu ge-
bieten / dafür darff ein ander auch nicht ant-
wort geben .

Solche stücke sind alleine begert vnd ge-
fordert / inn der sachen / des Euan gelij / vnd
wie wol hart zu weillen darüber gehandelt ist /
die weil irer viel die sache nicht haben verstan-
den / vnd darumb auch gerne geweret hetten /
so doch

so doch die ihenigen/ die das Euangelion lieb
hatten/ nicht begerten/ das jemand abgebro-
chen würde/ jnn seiner gebürlichen ehre / gut
vnd freundschaft/ ich schweige denn/ an sei-
nem leibe/ sondern alleine/ das die erkante war-
heit bey jnen vnd jren kindern/ möchte vnuer-
hindert vn̄ genge sein/ Den̄ Gott hat sonst eine
lange zeit her/ im Antichristischen irthum/ vnd
jnn Phariseischer verführung viel gedult mit
vns gehabt/ Was können wir aber nu für ein
entschuldigung haben / die weil die warheit
an tag komen ist?

Solten nicht frome hertzen/ Gott durch
Christum vleissig dancken/ das er mit seiner
gnaden/ on vnser verdienst/ das alles/ wie ge-
sagt/ also verschafft hat zu handeln? Ich für
meine person wil sagen/ zu dieser sachen mit
David / Der barmhertzigkeit Gottes ist kein
ende / Wir haben die Delle verdienet/ vnd er
gibt vns sein Euangelion/ zu der ewigen selig-
keit/ Danck sey dir/ Gott/ mein lieber Vater/
jnn ewigkeit/ Denn mitten im zorne/ beweise-
stu deine barmhertzigkeit.

Warte vnd ernste wort sind wol gefallen/
von beiden parten/ die weil auch fleisch vnd
blut verhanden ist gewesen/ noch hats Gott
also verschafft/ durch frome leute/ auff beiden
seiten/ das solchs auch vertragen ist worden/
vnd sind der sachen also eins worden/ das
man jr fort an nicht mehr/ zum ergesten wil ge-
dencken/

Dencken/ das alleine die Stad/ nu vnd fortan
stets erhalten müge werden / inn dem/ was
recht/redlich vñ Christlich ist/ zum friede vnd
seligkeit .

Ich lobs nicht / sonderlich inn den gro-
ssen Stedten/ das man sich versamlet vnd zu-
samen leufft/ denn solches dienet zur auffrur
vñ zuschaden/ sondern ich lobe Gottes barm-
hertzigkeit / das solch versamlen nicht allein
on schaden / sondern auch mit fromen leibes
vnd der seelen/ zu einem Christlichem exempel
diesem gantzen ort des Landes/ ausgericht ist/
darinn man ja zum teil sehen mag / die frucht
des Euangelij Christi/ Wenn das nicht were
fur handen gewesen / so were es vnmüglich ge-
wesen/ das solchs on schaden were abgangen.
Inn den Historien/ die Doct. Albertus Kra-
ntz beschrieben hat/ wirstu sehen vnd befin-
den/ das inn Seestedten/ vnd inn den vmblie-
genden lendern/ gros vnglück erwachsen ist/
da viel ein geringer anheben gewesen ist/ den al-
hie/ Warum ists aber geschehen? Darumb/
das auffrürische vnd böse leute/ zu der zeit ni-
chts anders suchten / denn das sie zu nichte
wolten machen / irer Oberkeit ehre/ gut vnd
freundschaft/ Sie suchten weder friede noch
seligkeit / sondern trachten nur mit höchstem
vleis/ zuuerterben leib vnd seel / Die hat man
aber/ friede vñ seligkeit begert/ wie denn auch
der austrag der sachen/ des ein zeugnis ist/
G Vnd

Vnd ob denn allenthalben nicht so Christlich
mit worten gehandelt ist worden/wie billich/
vmb des widerstrebens willen / so ist doch
gleichwol die Christliche versünung hernach
gefolget/wie Christus leret.

Warumb ist vns denn hie Gott so gnee-
dig gewest/die weil wir bekennen müssen/das
wir es wol anders hetten verdienet. Antwort
Am ersten vnd fur allen dingen mus man sol-
ches schlechts der gnaden vnd barmhertzig-
keit Gottes/zu schreiben/die keine ursach hat/
vns wol zuthun/on sich selbs. Zum andern/
So zweifel ich nicht/das etliche Christliche
hertzen/mit dem Euangelio vnterrichtet/jnn
solchen nöten / Gott den Vater/durch Chri-
stus namen/ angeruffen haben / Solchs an-
ruffen mus denn erhöret werden/als vns Chri-
stus zugesagt hat. Zum dritten/So sind irer
viel gewesen/nicht alleine jnn der Stad/son-
dern auch jnn vmbliegenden Stedten/sonder-
lich Münche vnd Pfaffen/vnd jr anhang/die
das heilige Euangelion gelestert vnd geschen-
det haben / vnd mit höchstem vleis begeret/
das solche Göttliche sache / nicht mochte ge-
winnen einen guten ausgang/vnd wol gera-
ten / sondern möchte mehr ein blut vergiessen
werden/ vnd das Euangelion nicht angeno-
men/ Daran sich denn andere Stedte möch-
ten stossen/ vnd verursacht werden/solche se-
lickeit ni

lichkeit nicht anzunemen/ Das mit solchem vns
glück/ dem Gottlosen wesen der mund würde
auffgethan / noch mehr auff den Predigstü-
len/ vnd inn den Collatzen / die warheit Got-
tes vnd das Euangelion Christi zulestern .

Dawidder gedachte Gott also/ Nein/
meine lieben Jungherrn/ Ir macht mir des
lesterns zu viel/vnd also zu viel/das ich ein mal
werde müssen straffen/wo jr noch nicht gnug
seid zuschanden worden/ fur mir vnd fur der
welt / Was ich nicht thu zu fromen den leu-
ten/das thu ich doch zu Lobe vnd zum preis/
meinem heiligen Euangelio / Propter miseri-
am inopum et gemitū pauperū nūc exurgam/
dicit Dominus. Ich wil lieber das die armen
sunder preisen meine Barmhertzigkeit/ denn
das jr euch rühmen solt/ das ich sterckte ewer
bosheit. Wir wollen aber hoffen/das irer viel
solches thun/ aus vnwissenheit / wie Paulus
denn auch der massen verfolgt / die Christen-
heit/ Ober die erbarme sich Gott/durch Chri-
stum/Die andern haben jren Richter. Fur alle
ding / sey Gott gelobet inn ewigkeit/ durch
Ihesum Christum vnsern Herrn/ Amen.

Darumb/ans guter begir/hat alhie ein
Erbar Rat/vnd die gantze Gemeine/eintrech-
tiglich auffgericht/eine gute Schule/die nicht
alleine dieser Erbar Stad / sondern auch
G ij dem ganz

dem gantzen Lande möge nütze sein/nach der
weise vnd masse/wie inn der Ordnung beschre-
rieben/dadurch die Jugend werde geleret/vnd
der Gemeine nutz gebessert/inn allerley stende.
Darzu hat man getracht/das man habe ge-
lerete/frume/vnd inn der Schrift/geweltige
Pastores vnd Predicanten/wie sie Paulus be-
schreibet/so viel es möglich gewesen ist/nach
zufolgen. Item/es ist auch vleissig bestellet/
wo von die Schulgesellen vnd die Diener des
worts/ire besoldung vnd narung/haben sol-
len/sonderlich die Pastores vnd Predicanten/
das sie ehrlich Daushalten mügen. Item/für
alle armen dieser Stad/sind geordnet/Gemei-
ne Kasten/wie denn solches die Ordnung aus-
weist. Was ist denn nu inn diesen stücken ge-
ordnet/das nicht schuldig sind zuuerschaffen
die Christen?

Mit den Ceremonien oder Kirchen dienst/
halten wir es also/das wir inn den nötigen
stückten/die im Concilio/der heiligen Dreifal-
tigkeit/beschlossen/vnd von Christo vns be-
folhen sind/nicht begeren oder annemen kön-
nen/ein ander Concilium odder menschen be-
felh/anders zu glauben vnd zuthun/denn wie
da beschlossen ist/Vnd wo wir anders glaub-
ten vnd thetten/nach leren der menschen/so
were solchs ein verdammis vnser seelen/vnd
weren leren des teufels/Sintemal Gott durch
seinen eingebornen Son/vñ dieser Son durch
seine

seine Aposteln / vns hat lassen verkündigen/
das heilige Euangelion / vnd gestrafft/ die
Phariseische heiligkeit / vnd ist auch befolhen
den Predicanten / bis an das ende der welt/
zu straffen solchen menschlichen irrthum/ sün-
de/ erdachte heiligkeit vnd heuchley / vnd zu
trösten/die betrubten gewissen/nicht aus irem
kopffe/odder aus lere der menschen/sondern
aus dem wort Gottes / aus dem heiligen E-
uangelio vnsers Herrn Ihesu Christi. Item/
was man von der Teuffe vnd Sacramenten
glauben sol/vnd wie man der selbigen gebrau-
chen sol / dazu denn freilich keine ander lere
dienen wird/ den der klare befehl/vnsers Her-
ren Ihesu Christi / Solche stücken/sind von
nöten/das man sie halte / wie es Christus be-
folhen hat/Wer widder sein wort vnd befehl/
sichet/der hat sein vrteil. Deutro. 18.

Wir Teuffen aber Deudsch / bey vnsern
Deudschen/als wir denn auch Deudsch Pre-
digen / gleich wie die Aposteln/vnd die ersten
Christen / inn allerley zungen / solchs gethan
haben.

Vnser Messe/halten wir dafür/das es sey
die Commemoratio Christi/Das ist/Christus
gedechtnis / wie es Christus selbs befolhen
hat/Darumb/wenn das volck des Heiligen
tages zusamen kompt / das Sacrament zu
empfehen / nach Christus befehl / so singet
G iij man Inz

man Introitum/ Lyrie eleison/ Gloria in excelsis/ darnach liest man eine Collecten vñ die Epistel/ vnd singet Daleluia / odder sonst einen gesang aus der schrift/ Vnd auff die hohen fest/ einen Sequentz/ darnach liest man das Euangelion vnd Predigt dasselbe/ Nach der Predigt sprechen wir den Glauben/ vnd bekennen durch den Predicanten vnser sünde/ vnd bitten für alle Stende/ vnd alle notdurfft leibs vnd der seele/ Balde darauff singen wir auch vnsern Glauben/ darnach vermanet der Priester die jenigen/ die zum Sacrament wollen gehen / vnd singet eine Latinische Prefatio/ Darauff singet man auch das Sanctus/ Darnach gehet an der befehl Christi vom Sacrament/ doch also/ das man zuvor das Vater vnser deudsch habe gesungen/ Die weil die leute zum Sacrament gehen/ so singet man/ Darnach danckt man Gott/ mit einer Collecten/ vnd segenet das volck mit Gottes trost.

Solchs alles geschicht/ das meiste vmb des volcks willen/ das man sie vnterrichte/ dieweil Christus geboten hat/ Solchs thut zu meinem gedechtnis/ Das ist/ wie Paulus sagt/ Verkündiget meinen tod/ vnd wozu ich euch / von meinem himlischen Vater/ geschenckt bin. Wie können die Leyen solchs besser thun/ vnd die gelereten mit jnen/ denn das wir zu samen komen vnd singen/ lesen/ predigen/ hören

Hören aus der heiligen schrift von Christo vnserm seligmacher / mit verstendlichen worten / vns zu troste vnd zurbesserung / Gott zum preis vñ dancksagung / Wiewol solche Commemoratio vnd verkündigung / nicht alleine inn der Kirchen / mit dieser odder der gleichen weise / geschehen sol / sondern wir sollen solche gnade / vnserm gesinde vñ andern auch gerne verkündigen / das ist / mit inen dauon reden / das wir sie auch mügen zu Christo zihen / odder vns damit trösten. Darumb befehlen wir / vnd lassen durch solche weise / solche Commemoratio / vnser gantzen Kirchen / wie Christus befohlen hat / wenn wir zusammen komen / das Sacrament zu empfaben / welche empfabung on die Commemoratio nicht geschehen sol / Die Commemoratio aber / mag vnd sol auch sonst wol stets geschehen / denn von Christo sol man nimer schweigen.

Wird man aber / durch gantz Deudsch Land / diese Commemoratio / auff eine andere weise stellen / nach Gottes wort / vnd on nachteil dem befehl Christi vom Sacrament / So wollen wir es auch von hertzen gerne annehmen / Denn so wir Gottes wort / vnd den rechten brauch des Sacraments inn der Messen (wie man saget) behalten / so ist billich vnd Christlich / das wir hierinn nicht vnserm kopffe folgen.

Die Kin

Die Kinder aber / die inn die Schulen gehen / sollen inn allen Kirchen / alle tage des abents vnd morgens / singen Lateinische Psalmen / Cantica / Dymnos / aus der heiligen schrift / vnd Lectiones lesen / aus dem Alten vnd Newen Testament / das sie also / der heiligen schrift / gewonet werden / vnd das selbige sol messig zugehen / das sie inn der Schulkunst nicht verhindert werden / nach aller weise / wie es inn der Brunschwiger Ordnung beschriben ist / darinn man auch lesen mag / vnser lere / von der Kinder Tauffe / von Weemüthern vnd schwangern Fraywen / von Schulen vnd Predicanten / vñ andern obgemelten stücken / vnd solchs alles beweret mit Gottes wort / das ein Christ daran gnug bescheid haben kan / Den andern können wir nicht raten.

Über das alles / sind inn den Kirchen / alle tage sonderliche Predigt verordnet / auch im Lectorio / sonderliche Lateinische Lectiones / für die gelerten / On das / sol man auch dem Gemeinem volck vñ dem Gesinde / vier mal im jar / den Catechismen leren / ein iglich mal mit acht Predigten / auff zwo wochen / darinn ist ein vnterweisung von den Zehen geboten / von dem Glauben / vnd von dem Vater vnser / von der Tauffe / vñ vom Sacrament des Altars. Solchs alles meine ich / solt ja gnug sein / Ceremonien vnd Kirchen dienst / zu halten inn der Kirz

der Kirchen/zur besserung der Jugend vnd des
Gemeinen volcks/aus Gottes wort/wenn es
nicht verdrieslich were den losen Pfaffen/vnd
irem grossen Gotte/dem Bauche.

Unsere Grosse Canonici / richten jr ding
wol aus mit dem Rauben narrentappen vnd
schendlichem haushalten. Lieber/wo von
sind sie doch Christen? Noch sol man sie hal-
ten fur die Denbter der Christen/ die auch et-
was mehr sein wollen/denn die andern Chri-
sten/ja auch mehr/denn die andern Pfaffen/
Könde doch wol auch ein Bawer eine solche
Raube kappen tragen / vnd das gelt zu sich
streichen / wie sie thun / Lieber/ was thun sie
sonst mehr?

Wissen sie Canonici von iren Doris Ca-
nonicis/die sie aus iren büchern halten/Wa-
rumb heissen denn die andern Pfaffen nicht
auch Canonici/odder die Chorschüler/die am
aller meisten/tag vnd nacht/solche horas Ca-
nonicas müssen lesen vnd singen/das jnen wol
der hals bersten möchte/für grossen schreien/
da zu weilen die Canonici kaume zur Presentz
zu massen komen? Wo istz doch her komen/
das sie Doras Canonicas nennen/die Prima
Tertia/Sexta/Nonna/Vesper: so sie doch jnn
der schrift genennet werden/Dore diei/stun-
den des tages / Wie man lieset jnn der Para-
bel/ Matthej am 20. Capit. vnd jnn den vier

D

Euange

Euangelisten / wenn sie die Passio beschreiben / gleich als auch Dore noctis / die nacht stunden / genennet werden / prima / secunda / tertia / quarta vigilia odder custodia Luce 12. vnd Psal. 130.

Ich weis wol / das sie Doras Canonicas gerne rechnen wolten / auff die stunden / des leidens Christi / dazu sie auch ire Conclusiones gebrauchen / die man zuuor nicht pflegt zu wissen odder zu lesen / sind auch noch nicht mit iren stricken dazu verbunden / Aber solche Zeits leser (besser darffs du sie nicht nennen) hassen vnd verfolgen das leiden Christi / eben nu zu der zeit / inn welcher es recht / inn die hertzen gesprengt wird / durch die reine Predigt des Euangelij / wie es denn pflegt zugehen / mit solchen traditionibus humanis. Das leiden Christi fodert ein glenbig hertze / das sich fur Gott darauff verlasse / vnd kan das murren der Bezeiten wol emperen.

Psalmen lesen odder singen / odder sonst die heilige schrift / des Newen oder Alten Testaments / ist nicht böse / Wer wolt sagen das es böse were ? Das mag ein jeder wol thun / man darff sich aber nicht sonderlich dazu zwingen lassen / man darff auch keine zins vnd rendte dazu machen / man darff auch keine gewissen darüber machen / wenn ein Psalm oder vers ausgelassen wird / da sie doch nu eine ernste beichte danon machen / vñ hüten sich vleisssig dafür /

ffig dafur / das ja nicht ein wörtlín auffen blei
be / Was sie aber wid der Gottes gebot thun /
das bekennen sie auch / das jnen leid sey / aber
sie bleiben gleich wol gerne dabey. Item / man
darff auch kein Ordinarium dazu / das man
Gott wolte einen hauffen Psalmen zu zelen /
wie die Múnche / die da geleret haben / wie
man das Ave Maria / mit Pater noster stein
lin / zu zelen sol / Marien der mutter Gottes /
Sie hetten aber vnter des wol etwas bessers
mügen leren das volcke / Vnd die Bischoue /
wenn sie hetten wollen rechte Bischoue sein /
wie sie billich jrem Ampt nach / sein solten / so
hetten sie wol / mit dem Euangelio so viel zu
schaffen gehabt / das sie keinen Ordinarium
dürfften machen / Aber sie wolten viel lieber
jnn der Kirchen mit ganckelwercken spielen /
denn das sie das Euangelion solten handeln.

Viel dinges nennet man Ceremonien / aber
sihe es bey dem liecht an / so wirstu finden / das
etliche ding darunter sind nichts mehr / denn
vnnütze ganckelwerck / Poppenspiel vnd der
gleichen / etliche auch grobe lesterung Gottes /
wie wol vnter dem schein / eines prechtigen
Gottes diensts. Es heisst bey jnen alles Got
tes dienst / im grunde aber ist nichts anders /
denn Ambitio vnd Venter / Wenn man sich
des nicht vermutet / so begeret auch niemands
Pfaffe zu werden / Das beweisen bey vnsern

gezeiten/die leute/die ire Kinder nu nicht wol-
len inn die Schule lassen gehen/darumb/das
itzt die Pfafferey nicht mehr gilt/bringet ni-
cht mehr grosse Prebenden/zins vnd Kendte/
vnd gute müßige tage/ auch nicht feiste beu-
che/wie zuuor / Nu sie ire Kinder dem Gott
Mammon/nicht mehr opffern können/so sol-
len sie auch nichts guts lernen / Denn sie be-
sorgen sich/sie mochten from werden/vnd zu
Gott komen/vnd darnach auch andere leren/
den weg zur selickeit/Diese blindheit las man
faren/Doch gleichwol nichts deste weniger/
sollen die Predicanten/die Eltern durch Got-
tes wort vnterrichten/vnd sie auff einen rech-
ten verstand bringen/vnd sie vermanen/das
sie ire Kinder zur Schulen halten sollen.

Wolan/wenn es meine lieben Derrn hö-
ren wolten / so wolt ich an den tag bringen/
vnd jnen anzeigen/ Woher ire namen komen
sind. Es ist am tage / das inn der Pfafferey/
nu nicht solche Bischoue sind/auch nicht Prie-
ster vnd Diaconi / wie sie Paulus beschreibet.
Die Canonici / wie wol sie den namen nicht
aus der schrift haben / müssen ja auch nicht
vmb des namen willen (welchen sie nu alleine
haben) inn irem anfang auffgeworffen sein/
vnd reichlich besoldet / sondern vmb jres nöti-
gen ampts willen / Ich zweifel nicht / das sie
einen guten vrsprung haben/dahin man sie nu
nicht

nicht widder bringen kan/ denn sie wollen nicht/sind auch nicht geschickt dazu/Darumb mus man solche ire Empter / durch andere widder bestellen/ Denn auff den namen/hat Gott kein gelt gethan.

Die alten Doctores inn der Christenheit bey den Latinischen vnd Griechischen/haben die heilige schrift/des Newen vnd Alten Testaments/genennet/Canonicam scripturam/ id est/regularem scripturam/das ist die rechte schnur schrift / darnach man sich richten solt/als noch einer richtschnur/Denn daraus lereten sie das volck/daraus stritten sie widder die Ketzerey / Was darinn nicht war/damit wolten sie vngefangen sein/sondern sprachen/Doc non est in Canone scripture/als den auch recht ist/wie denn auch die Doctores/inn allen jren schriften / vns auff solche Canones weisen/vnd dazu vermanen/sonderlich/Augustinus/das man auch jrer schrift nicht folgen sol / so man befindet / das ire gute meinung/widder Gottes wort sey/ Inn der Christenheit sol ja Gottes wort / mit menschen leren nicht vertunckelt werden/odder niddergelegt.

Von dieser schrift/die man nennet/Canonicam scripturam/haben am ersten die Canonici den namen erlanget / welche man itzt mit einem andern namen nennet/ Doctores vnd Lectores Theologie (on das wir auff eine

Sophisterey geraten waren) Paulus/ Ephesios 4. hat sie Prophetas genennet/wie auch die jenigen genennet werden .1. Cor. 14. welche die heilige schrift handeln vnd auslegen. Man hat etliche sonderliche stunden gehabt/des tages/ darinn man gelesen vnd gehört hat/ Scripturam Canonicam/ wie itzt auch auff der hohen Schulen zu Wittenberg geschicht/ Auff die stunde hat Canonicus Petrus gelesen/ Canonicam scripturam/ auff ein andere stunde Canonicus Johannes &c. Da non sind solche bestimpte stunden/die wir heissen/horas Canonicas/genennet/ Wenn man inn diesen stunden die schrift lese/vnd legte sie aus/ vnd machte dadurch gelerte Pastores vnd Euangelistas/ das hiesse wol recht Horas Canonicas lesen. Siche an die Homelias Doctorum/ siche an das grosse buch Augustini/ vber den Psalter/ vnd die Sermones/ de verbis Domini/ De verbis Apostoli &c. so wirstu befinden/ wie vleissig sie auch dem volcke/ die heilige schrift/ furgelegt haben inn der versammlung.

Die Capitel aber/die sie noch lesen inn allen iren Doris/sind gewesen/ fur die gelerten/die in der schrift studierten/mit solcher weise. Wenn sie zusammen kamen/ zu der Lection oder zum Capitel (die Mönche haben auch noch ein Kinder spiel danon/ on wenn sie sich im Capitel zancken vnd haddern/ wie hund vnd katzten/ so

tzen/ so ist's jnen ernst) so sungen sie einen Psalmen oder zweene/ das sie lustig wurden/ vnd wurden Clerici genennet/ vnd vorzeiten/ filij Prophetarum/ Darnach wenn der Interpres/ den ich nu Canonicum nenne/ fertig war/ so las ein Lector das Capitulum/ welches der Interpres solt auslegen/ oder eine Exhortacion dauon thun/ fur die gelerten/ wie er auch that.

Solchs war herkommen von den ersten Christen/ Also leret Paulus auch die Corinthher 1. Cor. 14. das sie wol möchten mit zungen reden/ den andern/ den es vnbekant war/ Aber wenn sie keinen ausleger hatten/ so solt ein iuglicher bey sich selbs reden/beten/lesen oder studieren/ vñ sein plappern in der Gemeine lassen anstehen/ Es ist aber leider alles verkeret.

Solchs Capitulum pflegten auch die Bisschoue dem volcke auszulegen vnd zu predigen/wenn die versammlung zu hauffe kam/ Man predigte aus der heiligen schrift nicht ein gantz Caput / sondern ein stück dauon / welches man ein Capitulum hat genennet / Also sind noch furhanden/die Homelien der Doctorum / das sind predigen/ die sie dem volck aus dem Euangelio gethan haben. Augustinus hat den gantzen Psalter seinem volcke geprediget/wie sein grosses buch bezeuget / vber den Psalter geschrieben. Item / Er hat gethan Sermones de verbis Domini/
De veraz

1857971
De verbis Apostoli/wie gesagt. Also hat auch
gethan Ambrosius / Chrysostomus vnd die
andern / so lange bis andere Bischoue komen
sind / von denen S. Paulus nichts weis / Die
haben mit iren Mönchen vnd Pfaffen / das
Capitulum inn das Bethbuch bracht / das sie
also mit einem Deo Gratias / dauon komen
konnten / Solten sie das Capitulum auff den
Predigstuel bracht haben / so würde es mehr
mühe gekost haben. Unser Canonici heissen
sich noch / das Capitel / das ist / ein klein heubt /
villeicht darumb / das viel kleiner heubte sind
vnter dem grossen heubte / dem Papp / Vnd
nennen das gelt irer Prebenden / jr Corpus / Also
so sol man narren / wenn die warheit weg ist.

Solche gute Canonicos aber / vermochte
man nicht inn allen Stedten zu halten / wie
man auch noch sibet / es war auch nicht not /
ja man konnte irer auch nicht so viel vberkom-
men / Es ist eine sonderliche gabe inn der Chri-
stenheit / Interpretatio scripturarū / Darumb
schickte man an diese örter / da solche Inter-
pretes waren / aus den umbligenden Stedten /
geschickte lente zu studiren / das man alle Kir-
chen / mit gelerten Pastorn vnd Predicanten /
mochte besetzen. Inn solchem gutem wercke /
waren auch etliche Mönche / die doch itzt so
schendlich vngeleret sind / das ich selbs von
etlichen gehört habe diese wort / Die andern
sind schlechte Canonici / wir aber sind Cano-
nici regu

te u
reg
m
di
lor
ed
tum
ma
me
di
nis
te
pe
ur fi
t ex
lum
mca
ab
es e
u
no
sti e
por
nati
ales
i te
nou
te u
meta

477-496
408

in the year of our Lord

QUADON BONVS ISRL D^s.
rectus corde.

Mei autē pene moti sūt pedes.
pene effusi sunt gressus mei.

Quia zelavi in peccatoribus.
pacem peccatorū uidens.

Quia non est declinatio
morti eorū & firmamentū
in plaga eorum.

In labore hominū non sunt &
cū hominib; n̄ flagellabunt.

Ideo tenuit eos supbia eorū opti
sunt iniquitate & impietate sua.

Produit q̄si ex adipe iniquitas eorū.
transier̄ in dispositione cordis.

Cogitauerunt & locuti sunt
nequitia iniquitatem
in excelsis locuti sunt.

Posuer̄ in celū os suū & lingua
eorum transiuit in terra.

